



Siverth K. Heilmann

UPA 2022/124

Atassut

24. maj 2022

Angutit pinngitsaalillugit ataatatut inissimalersinneqartannginnissaat anguniarlugu inatsisitigut naartuersitsisalernissap periarfissaalernissaanik eqqussisinaanermut tunngatillugu Inatsisartut isumaat pillugu Inatsisartut Oqallisissiaattut siunnersuut.

(Inatsisartunut ilaasortaq Anna Wangenheim, Demokraatit)

Siullermik Anna Wangenheim qujaffigerusuppakkit oqallissaarummik allakkajaamik saqqummiussinnut, sapinngisannillu Atassut sinnerlugu isummerfigissavara.

Arnat pisinnaatitaaffigivaat naartuersissinnaanissaq. Tamannalu amerlanerpaat apeqquserneq ajorpaat. Naak ilaatigut upperisaq malillugu apeqquserneqartaraluartoq, politikkikkullu oqallisigineqartarluni naartuersittartut amerlavallaarnerarlugit, inuiaqatigiinnilu aningaasartuuterujussuunerarlugu.

Atassummiillu pingaartilluinnarparput arnat angutillu pisinnaatitaaffii naligiittuartariaqartut. Taamaattorli aamma naligiimmik akisussaaqatigiinneq aamma atuuttariaqarpoq, pisinnaatitaaffiimmi aamma akisussaaffimmik malitseqartariaqarput.

Isumaqarpugulli uani sammineqartumi ataataanissamut naaggaarsinnaatitaanissamut pisumiit pisumut inummiit inummullu assigiinneq ajormata, arlaatigut oqallinneq isummerfigineqartussanngussappat, pingaartinneqassasoq arnaq angullu isummersortinneqartassasut. Eqqartuussivikkullu immikkut atukkat suunersut, inissisimaffiillu suunersut naapertorlugit aalajangiisoqartoqartassasoq innersuutigissavarput.

Atassummiillu etisk råd tusarusupparput qanoq isummersornerneq, kiisalu innuttaasut qanoq isummernersut paaserusupparput. Taamaalillutalu oqallissaarummut qujavugut.